

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.10.2017թ. թիվ 1707014229 որոշումն անփոփոխ, իսկ վարչական բողոքն առանց բավարարման թողնելու մասին

<<24>11 2017թ. 17 6 - 33132

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մարգարիտա Խաչատրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շրջանային փողոցի 2Ա տան բնակիչ Մարգարիտա Խաչատրյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին մասին 30.10.2017թ. թիվ 1707014229 որոշումը՝ նշելով, որ իրավախախտումը թույլ է տվել՝ կապված իր առողջական վիճակի հանկարծակի վատթարացման հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին մասին 30.10.2017թ. թիվ 1707014229 որոշման իրավաչափությունը և այն վիճարկում է միայն իրավախախտումը ծայրահեղ անհրաժեշտության վիճակում կատարած լինելու հիմքով:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում.

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ դիմումատուի կողմից թույլ տրված վարչական իրավախախտումը կարող է համարել ծայրահեղ անհրաժեշտության վիճակում կատարված, եթե այն կատարել է մի այնպիսի վտանգ վերացնելու համար, որը տվյալ հանգամանքներում չէր կարելի վերացնել այլ միջոցներով:

Դիմումատուի կողմից նշված պատճառը չի կարող հիմք հանդիսանալ տրանսպորտային միջոցի վարորդի կողմից ճանապարհային երթևեկության կանոնների խախտում թույլ տալու փաստը, նման հիմքեր նախատեսված չեն որևէ իրավական ակտով, այլ ապացույցներ չեն ներկայացվել:

Բացի այդ, ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 22-րդ և 23-րդ կետերի համաձայն՝ հարկադրված կանգառի դեպքում, պետք է միացվի վթարային լուսային ազդանշանը և անհապաղ տեղադրվի <<Վթարային կանգառ>> ճանաչման նշանը. դիմումատուի կողմից խախտվել է վերը նշված պահանջ ևս:

Միաժամանակ հայտնում եմ, որ այսուհետ Ճանապարհային ոստիկանություն դիմում ներկայացնելիս պետք է պահպանել <<Վարչարարության հիմունքների և վարչական վարույթի մասին>> ՀՀ օրենքի 31-րդ հոդվածով նախատեսված՝ դիմումին ներկայացվող ընդհանուր պահանջները:

Ելնելով մեղադրանքի և ղեկավարվելով Վարչական իրավախախտումների վերաբերյալ ՀՀ

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին մասին 30.10.2017թ. թիվ 1707014229 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը, և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մարգարիտա Խաչատրյանին և ՃՈ ՏՄՀԽԱ կենտրոն:

Ե.Կարապետյան

